

S'Reblliad

Törkarebl ischt halt guat
jupeidi jupeida
wemana ghöörig kocha duat
jupeidi hei da.
Sei s än fynd oder groba,
beedi Sorta söll ma loba.
Törkarebl ischt no guat,
wemana ghöörig kocha duat.

Dua s fy Määl ir Pfanna brüja
jupeidi jupeida
aber joo net ummarüara
jupeidi hei da.
S git dr sos a Törkapflotta,
zletscht am End o Törkasoppa
Törkarebl ischt no guat,
wemana ghöörig kocha duat.

Dr grob kascht macha wiana wet
jupeidi jupeida
i d Melch yrüara odr net
jupeidi hei da.
I Melch ywäächä über Nacht,
ischt er am Morga wäli gmacht.
Törkarebl ischt halt guat,
wemana ghöörig brüja duat.

Wagger Schmaalz dua jätz i Pfanna
jupeidi jupeida
so hend dr Rebl gmacht dia Mamma
jupeidi hei da.
Gstöpflät, gröpflät und o bröötlät
Knölla hät ma o noch gnöötlät.
Törkarebl ischt halt guat
wemana ghöörig shtöpfla duat.